



Nuuk, 16. maj 2012

Inatsisartut suleriaasianni § 37 naapertorlugu Naalakkersuisunut imaattunik apeqquteqarpunga:
(Inatsisartuni ilaasortaq Hans Aronsen, Inuit Ataqatigiit)

Naalakkersuisunut apeqquteqaat:

1. Kommunini meeqqat atuarfiisa illutaasa pitsaassusaat qanoq akulikitsigisumik nalunaarsorneqartarpat?
2. Meeqqat atuarfiisa illutaanik iluarsartuussinissamik pilersaarutip nutarternissaa siunertaralugu Naalakkersuisut kommunini meeqqat atuarfiisa illuutitigut pitsaassusaanik nutaamik nalunaarsuissamaarpat?
3. Meeqqat atuarfiisa illutaanik iluarsartuussinissamik pilersaarummut nutartikkamut atuarfiit angerlarsimaffiisa ilanngunneqarsinnaanissaat Naalakkersuisut qanoq isumaqarfigaat?

Tungavilersuut:

2012-imi Aningaasanut Inatsimmi kontomi 84.40.10-imi allassimavoq iluarsartuussinerit ingerlanneqassasut meeqqat atuarfiat pillugu pilersaarut 2004-mersooq kingornalu iluarsiissutit naapertorlugit ingerlanneqartassasut. Pisortat illuutaat pisoqaanerusut assigalugit ernummatigineqarsinnaavoq Nunatsinni meeqqat atuarfii arlaqartut oqoqalersimasinnaaneri. Aamma Naalakkersuisut atuarfiit angerlarsimaffii pillugit nalunaarusiaanni qanittukkut saqqummersumi takuneqarsinnaavoq Nunatsinni atuarfiit angerlarsimaffii ima aserfallatsigisimasut aningaasarpasuit atorlugit iluarsarneqartariaqarlutik.